

玄覽堂叢書

第三十四冊

文獻卷之四

皇輿考目錄

姑蘇後學張象賢齊之父重刻

卷之十一

九邊

黃河漕運海運圖附

九邊圖叙

國家驅逐胡元混一寰宇東至遼海西盡蒲泉
延袤萬里中間漁陽上谷雲中朔代以至上
郡北地靈武臯蘭河西山川聯絡列鎮屯兵
帶甲六十萬據大險以制諸夷全盛極矣初
設遼東宣府大同延綏四鎮繼設寧夏甘肅
薊州三鎮專命文武大臣鎮守提督之又以
山西鎮巡統馭偏頭三關陝西鎮巡統馭固
原亦稱二鎮遂爲九邊弘治間設總制于固

原聯屬陝西諸鎮嘉靖間設總督于偏同聯

屬山西諸鎮又設總督于薊州聯屬遼東鎮

戊益嚴密焉然自大寧未棄

都司洪武初設者屯重兵鎮之

其地繞

出山後遼東宣府大同勢相連屬自偏頭關

逾河跨西北大虜之警守在東勝

在今河套之北近受

降城即

河套之南又有榆林

今在延安府綏德州北境實

相犄角後棄大寧移置都司於保定而宣府

遼東勢始分矣正統以來有司又失守東勝

大虜乃得逾河而偏頭關迤西遂有河套之

虞因循既久有司又不肯以時巡套東勝之
鎮併近内地形勢愈弱於是所賴以衛

京師防邊虜者不過遼東宣府大同榆林四鎮
而已夫四鎮所領各堡亦有精壯苟足其糧
餉守備等官勤加巡哨爲之牽連援救自足
以各守地方督率耕牧從古備邊之道也今

則撫臣假調操以自固

夫鎮城本爲牽連所
領各堡地方今有統

屬而設今凡各堡精壯士卒盡聚鎮城名曰
調操以習攻擊實乃自爲備禦之計遂致各
堡地方徒以老弱疾病者守之將帥假按伏
虜寇縱橫無復能爲耕牧者矣

以爲奸

夫精壯既畢集于鎮城矣又每假按伏爲辭調兵四出以致各堡不得備

禦而堡中老弱反受供億騷擾之苦軍士乏正支之糧而將帥等官反以尅減行糧爲務

攻守無策而偷惰相襲文法太密而巧避益

多斥堠不立而勇敢未倡功賞不明而激勸

每爽

方今沿邊之守有營有堡有墩有空有巡探有按伏有備禦設將領以總其權

分遊擊以備調發重總領以司機宜防守之道備矣而地方抄虜之失未見息有此故

何也兵法曰善戰者先爲不可勝以待敵之可勝夫謹斥堠練士卒據地形利器械信賞

罰厚儲時先自治者皆自爲不可勝也以是形人而後敵無可勝之兵今之將領安居而

巡警無方精銳買閑而疲病棄障不爲不可勝之筭而勤於勾當詞訟若有司然不練之

兵無謀之士有生之氣無死之心偷情相乃
自衛且不違而况驅之使戰哉假令五路備
禦各率所部分于近邊要害無影射無買關
無役占無市法身先士卒捍衛有紀練習有
時可以橫行匈奴矣夫墩空者烽火之緩急
也今之遠斥堠時巡邏嚴哨探本以防範也
卽不幸有卒然之虜過而掠之驅而戕殺之
則死者不論其功而守者先當其罪降責戍
遣而刑辱之苦尚慘焉人見以此逮罪也則
舉墩空之人巡探之卒環而坐之堅賊之中
溝壑之間出入若罔聞知卽虜抄掠襲其老
弱以還喪失損傷匿不以聞虛文巧飭扶捏
勘報則終焉無事矣夫繩人以法而不諒其
情何乃自苦取罪哉夫法以防奸情以逮下
可相循而治也今不緣情以論法而拘拘焉
惟勘委是聽人且求避之術矣爵賞者奔
走豪傑之機非明與決亦徒焉耳乃今冒功
有法買功賣功有法其他條格甚備矣而邊

人之親冒矢石幸而成功者盼盼焉無所控訴陞職世襲率勢豪統緒之徒萬一獲紀錄焉而又苦於勘驗之搜求刑法之逼迫打點之需索日益不足已故恩每濫於平人而威恒加於下卒此之謂廢賞而失刑矣是故文法不弛則巧避之術生功賞不明則偷惰之習長而斥埃之立立勇敢之不倡地方屢自上玩之也邊事安得而不廢乎

失糧餉屢乏實此之故矣今惟痛革其弊堅壁固守勤加巡哨為耕牧長計而無徂近利乃可為也其治蠻倭之道則在率土著良民得以自相守望一或不支為之連屬附近地方策應之如湖廣之永靖廣西之狼兵置之

一三一
不復徵調民足相死兵不毒民無貪功之文
臣無貪利之武將則邊鄙晏然矣

文淵閣藏書

四庫全書

御批

詩經

卷之二

四

文淵閣藏書

四庫全書

御批





遼東

遼東禹貢青冀二州之域舜分冀東北

豎無間之

地為幽州即今廣寧以西之地青東北為營

州即廣寧以東之地

即遼陽東至鴨綠江正至山海關一十四百六

十里南至旅順海口北至開元城一千七十里三面瀕夷一面阻海

特山海關一線之路可以內通亦形勝之區

也歷代以來地皆郡縣

元季時為平章劉益高家奴分據洪武初

奉表來歸四年置定遼衛八年改為遼東都司十年革所屬州縣設衛二十五末樂七年

復設安樂我自二州我

朝盡改置衛而獨於遼陽開元設安樂自在

二州以處內附夷人其外附者東北則建州

毛憐女直等衛西北則朶顏福餘泰寧三衛

分地世官自湯站抵開元鄰建州毛憐海西野人兀者諸夷而建州為最自開

元之北近松花江之山寨夷亦海四種類又北抵黑龍江之江夷而江夷為最自寧前迤

東抵開元鄰兀良哈三衛而朶顏為最互市通貢事雖羈縻勢

成藩蔽是以疆場無迤北之患顧東北諸夷

屋居耕食不專射獵警備差緩而西北則俗

仍迤北竊發頗多若大舉入寇則亦鮮矣故

遼東夷情與諸鎮異要在隨勢安輯處置得

宜

北隣朔漠而遼海三萬瀋陽鐵嶺四衛之統下開元者足遏其衝南枕滄溟而金復

海旅順諸軍聯屬海濱者足嚴守望東西伺

鴨綠長城爲固而廣寧遼陽各屯重兵以鎮

壓之復以錦義寧遠前屯五衛西翼

廣寧增遼陽山東諸堡以扼東建

嚴防守不墮俾恩威竝立足制其心斯計之

上而俘斬論功則第二義也開元廣寧竝據

襟吭金復海蓋頗稱沃野海上自劉江之捷倭寇絕跡弘治中曾一見之未及岸而逝若今則晏然久矣三岔河南其亘數百里遼陽

舊城在焉木葉白雲之間卽遼之北京中京地也草木豐茂更饒魚鮮自

國家委以與虜廼遂進據腹心限隔東西守望勞費道里迂遠遼人每憤憤焉成化以來論者率欲截取而屢作屢輟竟不可行無亦有識者爲啓釁邊方之慮乎他如革馬市之姦欺糾驗放之抑勒塞請開之貢路禁驛傳之騷繹增臺軍之月給教百姓之儲蓄專制一方者不得不任其責矣